

LAMETNA – A POIMOHNA

(Hebrute 6:17-20)

Jamson

Lametna kichi mihingte hinkhua ah ah ana poimoh petmah hi. Lametna toh I khosa ua, lametna toh I khanglian lua, huai lametna mah toh si diing mihingte ihi lim uhi. Hiai thumal lametna I hinkhua a a omnawnlough chiang in leitung a hinman omnawnlou chi in mahni leh mahni hinna kilakna a omnak hi. Bangziak a I tate tusik ahih ua kipan haksapi a vaak a, genthei kisa kawmpipi a khoi khanglian I hiam ichih leh amaute apan lametna bang hiam I neihziak uh ahi. Bangziak a tunitan gentheina thuak kawmkawm a hin sawm hamham I hiam ichih leh maban a bang hiam khat I lamet ziak uh ahi lel hi.

Khovel a I hin sung ua bang hiam lametna nei a hing ihih uh mahbang un I khristian hinkhua uah leng hiai lametna mah toh hing ihi uhi. Khovelte sang mah in ei khristiante'n lametna kichi I neih thupi zawk uh a poimoh hi. Eite lamet bel khovelte lamet toh a kibang kei hi. Eite'n I lamet uh bel tangtawn hinna ahi (Tita 1:1,2). Hiai lametna tuh I khristian hinkhua ua I sikkip uh ahih ziak in lametna kichian neitheiloute bel sikkip neilou long tuipei thuktak lak a tai bang lel ahi uhi (Heb.6:19). Huaiziak in I khristian a hinkhua tangtawn thillam lam himhim ngaihtuah phalou a hiai damsung a diing kia I buaipih lebel I kha I mansuah khak diing thillauhuaipi ahi.

Lametna himhim neilou hiai khovel ah mi tampi ana om mahleh uh eite zaw lametna hing neite ihi uhi (1 Thes. 4:13). Hinapi in lah hun tampite ah hiai khovel a lametna himhim neiloute bang in I khosa khanak uhi. Van lam thilte a I lametna uh I ngak sang un leilam thilte a I nga tamzaw khanak uh. Lametna hing nei a tangtawn hinna lamen te'n leilam thilte a I lametna uh ngak diing hilou in vanlam thilte a ingak diing uhi ahi (Kolosate 3:1,2).

Khristian hinkhua ah I khamitna tuh lametna bang chituk a thupi I nei a chih ah a kinga hi. Lametna bang chituk a lian I nei a? I lametna koi ah I nga a chih-te in I khalam hinkhua ahon thunun hi (1 Peter 1:13;1 Johan 3:2,3). A lametna uh leilam thilte lel a ngalou a tunglam thilte a nga a, tangtawn hinna mah a lametna thupitak neite mah mahni kithunun zou leh khalam a hatmi ahi uhi. Huan hiaibang lametna neite mah saptu-am a diing a kipezou leh mite etton mite ahinak uhi. Na lametna a let leh na sepkiak leng a tam diing a, huan, na piakkhiak leng a tam mai diing.

Lametna poimoh nawn mahmahna khat tuh – I lametna in kal ahon suansak ahi. Salam thil hi in khalam thil hitaleh mi'n bang hiam lametna a neih chiang un a lametna un kal asuansak ahi. Khristian khat hingal a khalam a kalsuan zou mahmahlou, kalsuan haksa sa ngoihngoih ichihte tuh khalam ah lametna a nei vakkei uh chihna ahi. I lamet tangtawn hinna I hon thathohsak a huai in khalam a kal honsuan sak diing ahi (1Peter 1:1,2).

Khalam a lametna poimohna khat nawn tuh - hiai ilametna in hon ngakzousak a kuhkalna hon pia hi. Lametna I neih leh hun haksa ah leng I pang teitei a, ahon thuak mualsuah sakzel hi. Kiloh a koilak hiam iva kuan chiang a zingkal akipan nagumtak sem a nitum dong hong semsak a kuhkalna hon pia tuh I lamet I nitha diing teng 100 hiam 200 hiam ahi. Lin kom pipi leh haksa sapipi a vuahzu daikai nuai a leng office kai diing a hon sawlteitei a kuhkalna honpia tuh khatawp chiang a na muh diing na khaloh lametna ahi.

Huchi mahbang in I khristian hinkhua ah leng I lametna in hun haksa leh zeetna I tuah hun ah ho pang-sak teitei a, gimthuakna I tuahte ah lampi ahon sialsak hi (Romte 5:3-5). Paul in Nasepte 28:20na ah hiaibang in ana gen hi. "Israelte lametpa, Jesu Khris ziak a khainiang bun ka hi." Hiai a Paul in a gennoptak tuh Jesu Khris a lametna ka neih ziak a khainiang bun kahi chih ahi. Paul in Jesu Khris a lametna a neihziak in suangkultang leng poi asakkei a, a lemetna in suangkulh tangpha tangngap din kuhkalna apia hi. Huchi mahbang in eite'n leng Jesu Khris ah lametna nei in I lametna amah a nga lehang Paul bang in suangkulh tanpha tang diing in kuhkalhna I neithe diing ua, huaimah in zeetna I tuahte ahon thuak mualsuah sak diing hi.

CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'

Enkaitu: Jamson Guite | Panpihtu: Kham Minthang | Jangthang

BIBLE CLASS

Class	Teacher
Adult	: James, Thawngsiandong
Inter.	: Khamminthang
Primary	: Kimpi

TUNI BIAKKHAWMNA PROGRAMME

Thumna Hun-uk: Jamson
Lapitu : Pauliansiam
Thilpiak : Thangbiaklun
Theihgigena : Sianno
Thuhilhtu : Janglet
Thumna : Paolun

Last Sunday (30/06/2013)

Offerings = ₹ 11,730/-

DAMLou

✓ Unauu Hauching tulai hiileng hiitang khosik in amatkhak ziak in kal paita Toupani biakna ah hong telzoulou hi. Huchimah bang in a tapa Paulalsiam ngei leng hiitang khosik ziak mah in damlou in om a, tun bel anihtuak un ahoihlam hita uhi. A hong damsiang theihna diing un thumpih ni hang.

✓ Unauu Hoihmuankim leng tuni tan in damsiang thei taktak nailou lai in a kallak in khosik theizel lai hi. Tyhoid ahihlam theihkhiak hita a, tun ki etkolna pailai lai hi. Ahong damsiang pah i deihsak uh.

KIZAKSAKNA

✓ Saptuam in website bawl diing thupuk ahih dungzui in saptuam website a domain min diing toh kisai a ngaihdan/hoihsak dan sungkhawm diing in i kitheisak uhi. Hiai toh kisai a suggestion nei i om leh tukhasung ngei a unaute Khenpi, Janglet leh Thongginlian kiang ah theisak ni.

VEH HI DIING

✓ Tulel a cancer ziak a damlou a om unauu Vungi saptuam in veh hoih kisa a dangka teng 25,000 a vehna neih diing a thukim ahi. Saptuam in tuma lam inleng unaua Thanglianakup damlouhna ziak in teng 10,000 in ana vehta hi.

THOUGHT OF THE WEEK

A pilten hiai a kigelhte theisiam uhenla, a lungtang vah keem uhen. Toupa' lampite tuh a dik a, midiktatte huai zui in ahing uhi. Himahleh mikhialte'n bel a ngeingaihloh ziak un a kipalkha ua, a puuk uhi (Hosia 14:9)

THU TUAMTUAM**INN KISUAN**

✓ A paita Toupani in a damtheih huaizaw diing gelna in unaua Sameul Pauliansiam-te hun sawtkuamtak Munirka a a-om nung un Humayunpur ah unaua Lambiak-sang tenna kiang lak ah ana kisuanta uhi.

LUNG DAM HUAILUA

✓ Unau Mission Veng, Zi-onveng leh Shillong lamte akipan a a hunhun a Toupani', Khristian Thupawtu leh Messenger-te i muh theih zel man un amaute tung a lungdam thu i taklang uhi. Maban a leng ahon khakzom zel uh i ngen uhi

KIKNAWNTA

✓ Sepna toh kisai a khatkhat vel paita a Dehradun akipan a hong zin unaua Khamthianmung-te innkuan in zan kiginni in a omna uh lam zuan in honna paikiksan nawnta uhi.

KALNAWN BIAKKHAWMNA PROGRAMME

Thumna Hun-uk: Jangthang
Lapitu : Timothy
Thilpiak : Thanglianmang
Theihgigena : Thangdouliau
Thuhilhtu : Jamson
Thumna : Andru

PRIZE HAWMNA OM

✓ Kal paita Toupani biakkhawmna zoh in biakkhawmna mun mah a Summer Bible Quiz a pangte kiang ah lawmman hawmkhiakna thupitak mai neih in om hi. Hiai hun a lawmman sangkha tengteng na vek un Congrats!

Unauu Ngaikhanhoih in lawmman lakha tengteng kipahpihna leh lohcingtak a hiai bible quiz zoh ahih Pathian kiang a kipahthu gena in unaute singpi limtak mai hon dawnpih hi. Kipahhuai mahmah zel.

BIAKNA PROGRAM

✓ July Toupani biakna program leng bawlkhith hinawnta hi. Kongkhakbul ah kikoih diing a kuapeuh in eimah a diing tek kilak in i tante chiamteh in buchih chiat diing in i kingen uhi. Bangkim kilawmtak leh fehtak a hih hihen!

MEETING OM

✓ Zan kiginni in unaua Janglet inn ah biakna neih ahihma in saptuam vai toh kisai a thukikupna pimohtak mai neih in om a, thu pimohtak tamkhop tak kipaikhawm hi. Saptuam sum dinmun etkhawmna banah maban pai diing zia gelkhawmna om hi.

CHURCH OF CHRIST, NEW DELHI
Financial Report for the Month
of June, 2013.

1. Opening Bal.	1,31,162.32
2. Total Recv.	59,420.00
3. Grand Total	1,90,582.32
4. Total Exp.	51,154.00
5. Closing Bal.	1,39,428.32

KIGINNI BIAKNA PROGRAMME

A Mun : Khamminthang inn.
Mohammadpur

A Hun - 6:30 pm
Hun-uk : Khenpi
Lapitu : Pausiamlian
Thuhilhtu : Thangbiakmang
Thumna : Pauliansiam